

LAERSKOOLOCHNERHOF

Sarel Cilliersstraat, Strand / Posbus 124, Strand

Tel: 021-854 7316 / Faks: 021-853 4711

E-pos: admin@lochnerhof.co.za

Webtuiste: www.lochnerhof.co.za

SMS: LH (gevolg deur boodskap) na 34050



NUUSBRIEF 12 VAN 2013

UIT DIE HOOF SE PEN

DIE KUNSTENAAR BY DIE ORREL

"Laat julle lewe deur die Gees van God beheers word, dan sal julle nie swig voor begeertes van julle sondige natuur nie".

In die "Senior Teacher" word vertel die bekende komponis, Mendelsohn, het een keer 'n katedraal besoek, omdat hy gehoor het een van Europa se kosbaarste orrels word in daardie katedraal gebruik. Hy het 'n rukkie gestaan en luister hoe die bejaarde orrelis op die orrel speel en hom voorberei vir die komende Sondag se kerkdiens. Toe die ou man by die einde van die stuk kom, wat hy besig was om te speel, gaan Mendelsohn nader en vra of hy op die orrel mag speel. "Ek ken jou nie," antwoord die orrelis, "en ons laat nie enigeen op hierdie orrel speel nie." Uiteindelik oorreed Mendelsohn die ou man en hy laat Mendelsohn by die orrel plaasneem. Mendelsohn begin speel en die kerk word gevul met musiek soos die orrelis nog nooit in sy lewe gehoor het nie. Diep geraak lê hy sy hand op Mendelsohn se skouer. "Wie is jy?" vra hy met 'n gebroke stem. "Mendelsohn," antwoord die komponis. Verslae sê die ou orrelis: "Om te dink ek was so dwaas om te weier dat Mendelsohn op my orrel speel!" Die persoon en die hande wat die orrel bespeel het, het bepaal watter musiek uit daardie groot orrelpype kon vloeи.

'n Mens het 'n wonderlike lewe, met wonderlike eienskappe, want God het die mens oorspronklik na sy eiebeeld geskape. Soos die ou kerkorrelis kan ons ook weerstand bied en Hom verhinder om sy musiek uit ons lewens te laat voortkom. As ons al die klawers van ons lewe oorgee aan die Heilige Gees dan bring hy die musiek uit ons lewens te voorskyn wat God verheerlik, vir ons medemens aangenaam is en in ons hart vrede laat woon.

ANKERFEES

Ons wil graag ons ouers en kinders weer eens bedank vir hul ondersteuning en hulp tydens die Ankerfees. Ons fokus hierdie jaar was om ons kinders te vermaak en dit was baie suksesvol gewees. Ons **wins** is 'n ongelooflike R104 149-00! Ons sien uit na ons ANKERFEES 2014!

DAGBOEK

() DINSDAG, 23 APRIL

- SPUR-FONDSINSAMELING
- CONQUESTA INSKRYWING SLUIT

GRONDSLAGFASE

Wenke vir Wiskunde

TEL, TEL, TEL is noodsaaklik.

Getalbegrip is baie belangrik – die leerder moet op die 100 of 200-blok weet waar die getalle is, wat kom voor, na, tussen, maak meer, minder, herbenoem ($23 = 20 + 3$) ens.

Kombinasies van 0 - 10 bv. $4+6, 3+4, 9-4$, ens. Indien die leerder hierdie kombinasies goed ken, sal die volgende somme makliker wees, nl. $14 + 6, 23 + 4, 79 - 4$.

Probleemoplossing kan 'n lekker speletjie word. Bv. dek die tafel – hoeveel mense - vurke en messe. Daar is 4 motors – hoeveel bande, 15 voëls – hoeveel vlerke, 5 vloere van woonstelblok met 10 kamers op elke vloer – hoeveel kamers.

Speletjies soos tel die motor voor jou se nommerplaat op, trek dit af en elke rooi motor wat verby kom tel 3 punte, bloues 2, wittes 1 en swartes 5.

Ware woorde: As 'n mens nie leer om vir jou probleme te lag nie, sal jy niks hê om voor te lag wanneer jy oud word nie. - Ed Howe -

MOENIE VERNIELSUGTIG WEES NIE. BEHANDEL SKOOLEIENDOM MET RESPEK.

INTERSENFASE

- Die assessoringsprogram vir hierdie kwartaal is verlede week aan u kind gegee. Alle assessorings wat op die program aangebring is, dra by tot u kind se rapportpunt vir die kwartaal en sy / haar finale bevorderingspunt aan die einde van die jaar. U sal oplet dat daar feitlik daagliks geassesseer word; daarom is dit baie belangrik dat kinders nie onnodig tuis bly nie. Volgens departementele beleid benodig ons ook 'n doktersbrief indien 'n kind 'n assessoring mis.
- Die nuwe leerplan vereis van ons om kinders elke periode te bepunt vir hul deelname aan praktiese LO-lesse. Daarom versoek ons u om asseblief 'n briefie aan die betrokke onderwyser te stuur indien u kind nie aan die LO-les kan deelneem nie. Vir 'n LO-assessering, soos op die assessoringsprogram, benodig ons egter 'n doktersbrief.

CONQUESTA

Conquesta-inskrywings sluit Dinsdag 23 April. Leerders van graad 4 - 7 kan **inskryf vir Afrikaans, Engels, Wiskunde en Natuurwetenskap**. 'n Eenmalige inskrywingsgeld van R10 is betaalbaar asook R10 per vraestel. Ons kinders ervaar dit altyd as **baie verrykend en daarom wil ons deelname daaraan ten sterkste aanbeveel**.



SPUR-FONDSINSAMELING

Dinsdag, 23 April versoek ons dat alle Lochies en hul gesinne ietsie kom eet by **San Francisco Spur in die Strand**. Die aand begin reeds om 17:00 en 10% van die verkope sal aan Lochnerhof geskenk word. Ons hoop om u almal daar te sien en lekker saam te kuier!

SPORT

SPORTPROGRAM

Woensdag 24 April

Rugby vs Gordonsbaai (Weg) / Netbal vs De Hoop (Tuis)

Donderdag 25 April

Hokkie vs Somerset House (Weg)

Vrydag 26 April

Landloop te Radloff Park / Skaak vs Macassar (Tuis)

WINTERSPORTDAG

BAIE DANKIE vir almal wat gehelp het met die Wintersportdag. Sonder u hulp sou ons nie 'n sukses van hierdie dag kon maak nie. Baie dankie aan al die spelers met jul goeie gedrag en sportmangees. Ons is trots op ons uitslae!

Baie dankie aan die SOKKE-komitee vir jul harde werk!

PROEWE

Sterkte aan al die rugby-, hokkie- en netbalspelers wat besig is met proewe. Ons hoop dit gaan goed met julle.

SPORTHOOFDE

Kontak gerus die sporthoofde indien u probleme het.

Jan Brand – Rugby (jbrand@lochnerhof.co.za)

Gerda de Bruyn – Hokkie (gdebruyn@lochnerhof.co.za)

Karen Strauss – Netbal (kstrauss@lochnerhof.co.za)

Coleen Dorfling – Landloop (cdorflin@lochnerhof.co.za)

Dewald Erasmus – Skaak (erasmus@lochnerhof.co.za)

Algemene inligting vir u kennisname

Ons poog om ten alle tye die beste spanne te kies ten einde te verseker dat ons kompeterend is tydens wedstryde en ons skool se goeie rekord handhaaf. Ons vertrou dat u die reëling en keuses sal respekteer.

Leerders wat wedstryde speel, ontvang briefies. Indien u kind nie 'n briefie ontvang nie, speel hy nie daardie dag 'n wedstryd nie en is daar ook nie oefeninge vir hierdie kinders nie. Indien daar oefeninge sal wees, sal die afrigters dit so met die kinders reël.

Ons poog om ten alle tye soveel moontlike spanne te laat speel. Dit word egter bepaal deur die aantal spanne wat die opponent beskikbaar stel.

Om te verseker dat ons afrigters op hoogte bly van nuutste afrigtingstegnieke, word hul voortdurend na afrigtingskursusse/klinieke gestuur. Owers wat belangstel om afrigtingsklinieke of skeidsregterskursusse by te woon, moet hulle name aan sport@lochnerhof.co.za stuur.

Sien ook skrywe/inligting oor monskerms. Boksmart vereis dat alle rugbyspelers met een moet speel.

PRESTASIES**UITVOERENDE KUNSTE**

Inge van Wyk (gr.3C) het die Westelike Provinsie verteenwoordig by die afgelope Suid-Afrikaanse Kampioenskappe vir die Uitvoerende Kunste wat gehou was in Rustenburg.

Inge het aan dansitems deelgeneem en die volgende prestasies behaal:

1. Hip Hop klein groep (8 tot 10 jaar) Goue medalje
2. Ope groep (8 tot 10 jaar) Goue medalje
3. Musikale teater (8 tot 10 jaar) Brons medalje

Inge is ook gekies om Suid-Afrika by die Wêreldkampioenskap wat in Los Angeles, Amerika sal plaasvind, te verteenwoordig.

KARATE

Louie Smit (gr.3C) het aan die SA Wes Kaap JKA Kompetisie deelgeneem en in sy ouerdom 'n Silwer medalje vir Katta gewen.

TENNIS

Francois Cilliers het die afgelope vakansie WP verteenwoordig in PE in 'n interprovinsiale tennistoernooi tussen WP, OP en Boland. Francois het al ses sy wedstryde oor drie dae gewen en die WP O/12-tennisspan het ook die O/12-toernooi gewen.

MONDSKERMS

Geagte Ouer

Ek is 'n mondhygienis wat al werksaam is in die Helderberg area vanaf 1995. In 2009 het ek begin om mondskerms te voorsien aan skole in die omgewing. Van die skole wat al die langste van my dienste gebruik maak is Somerset College, Somerset House, Stellenbosch Laerskool en Laerskool De Hoop.

Die mondskerms word deur middel van vakuumvorming op individuele mondafdrukke gevorm. Die individuele presiesiepassing van die mondskerms verhoog die beskerming van die mond en tand areas. In die proses vat ek afdrukke van die mond wat my modelle gee om ook aanpassings te maak vir vormende tande of ortodontiese gevalle. Ek heg ook groot waarde aan die afwerking en pas van die mondskerms om die gebruik daarvan so gemaklik as moontlik te maak. Mondskerms kom ook in verskillende kleure voor waarvan gekies kan word. Alhoewel mondskerms vervang moet word om die groei en veranderinge in monde te akkommodeer, was daar al gevalle waar mondskerms 2 tot 3 jaar gebruik kon word.

Die koste is R240.00 per eenheid vir gewone mondskerms en R290.00 per mondskerm waar aanpassings gemaak moet word vir ortodontiese gevalle.

Navrae kan direk aan my gerig word op 083 997 2097. Ek kom direk skole toe as daar genoeg kinders belangstel om die afdrukke te neem en om aan te pas.

Groete

Jeanne-Marie Engelbrecht

Lochie-van-die-Week

GR.1A CHRISTIAAN NEL
GR.1B JAYDON POULTON
GR.1C JEANRO MINNAAR
GR.1D XAVIER VORSTER
GR.1E REUBEN ALBERTS
GR.2A ZACK BARNARD
GR.2B JADON VAN DER MESCHT
GR.2C ANDRÉ VAN ZYL
GR.2D JANEL STEYN
GR.3A EUGENE PRINSLOO
GR.3B ZANDER VAN DER WESTHUIZEN

GR.3C LINDA SNYMAN
GR.3D KAYLEé PUREN
GR.4 KAIMé SMIT
IAN TER HAAR
RYAN McMULLIN
KYLA SCHRADE
GR.5 CHANIEL BARNARD
GR.6 ANRI CLOET
GR.7 DOMINIQUE BRANDT
VERONICA DE LANGE

PERSONALIA

Baie geluk aan **juf. Jeanne-Mari du Plessis** (rekenaarsentrum), **mnr. Francois Groenewald** (sportorganiseerder) wat op 24 April verjaar, **Andri Blom** (internskap) wat op 25 April verjaar en **me. Elizabeth Pieterse** (algemene werkster) wat op 26 April verjaar. Mag julle 'n wonderlike verjaarsdag hê.

AKADEMIESE OLIMPIADE FONDSINSAMELING

Ons Akademiese Olimpiade fondsinsameling het reeds op Maandag, 8 April begin. Dit sal duur tot 3 Junie. Alle gr.1-7 leerders neem deel. Leerders salwoordlyste ontvang van die woorde wat hulle moet leer. Alle borgvorms moet bewaar word en borge kan ook R500 wen! Ons mikpunt vir die fondsinsameling is R120 000-00 - kom ons belê in ons kinders se toekoms en maak hierdie 'n spanpoging!

REDENAARS- EN MUSIEKAAND - 23 MEI

Ons wil vroegtydig die temas aan ons ouers kommunikeer sodat hulle hul kinders kan motiveer om deel te neem aan ons Redenaarsaand.

Die Temas is:

Gr. 4 en 5: Ontdek, Monsters, Wetenskap

Gr. 6 en 7: Dink, Woorde, Groen

PADPATROLLIE

Gedurende die reëndae sal daar nie padpatrollie by die voetoorgange wees nie. Ons versoek ons leerders om asb. ekstra veilig te wees wanneer hulle die pad oorsteek en dat ouer en kind die padreëls sal nakom.

